

8 Augustus 2012

Jaargang 5 – Uitgawe 27

## In hierdie uitgawe

- Voorblad
- Beroepe en standplase
- Predikante en gemeentes
- Ander nuus
- Kommentaar
- Agterblad
- Naskrif



Teken in op die e-Hervormer en ontvang elke uitgawe gratis per e-pos!

- Stuur 'n e-pos aan [karen@nhk.co.za](mailto:karen@nhk.co.za)

Nuus, berigte en kort kommentaar (uiters 100 woorde) aan [produksie@nhk.co.za](mailto:produksie@nhk.co.za)



## Skakels

Webblad van die Hervormde Kerk  
Die Hervormer  
e-Hervormer

[www.nhka.org](http://www.nhka.org)

[www.hervormer.co.za](http://www.hervormer.co.za)

[www.hervormer.co.za/e\\_Hervormer.html](http://www.hervormer.co.za/e_Hervormer.html)

Indien u nie weer die e-Hervormer wil ontvang nie, klik op [www.hervormer.co.za/cancel.html](http://www.hervormer.co.za/cancel.html)

## VOORBLAD

### As jy aan 'n vrou raak, slaan jy 'n rots raak

**Môre, 9 Augustus, is 'n geleentheid om erkenning te gee aan die ware rotse van ons gesinne – ons vroue en moeders!**

Ek lees nou die dag dat daar sekere voordele daaraan verbonde is om 'n man te wees. Dis liggaamlike dinge soos: Jou boepens verberg jou groot heupe; jy *doen* ook jou naels – met 'n knipmes of met jou tande; plooi bring karakter; niks op jou gesig verander ooit van kleur nie; jy het dieselfde haarstyl vir jare, selfs dekades.

Daar is ook praktiese goed wat dit lekker maak om 'n man te wees: Jou van verander nooit; die beplanning van jou troue gebeur vanself; niemand maak 'n opmerking daaroor dat jy 34 jaar oud is en nog ongetroud is nie; jy kan telefoongesprekke in 30 sekondes afhandel; motorwerktuigkundiges jok nie vir jou nie; jy het net een tas nodig vir 'n vakansie van twee weke.

Dis ook baie goedkoper om 'n man te wees: Trourok – R10 000, huur van pak – R750; jou onderklere kos R30 vir 'n stel van drie; een beursie, een paar skoene, een kleur, alle seisoene; jy kan op 24 Desember binne 45 minute Kersinkopies doen vir 25 familieledede; drie langbroeke is meer as voldoende.

Om 'n man te wees, is baie minder stremmend: Jy kan in die passasiersitplek van 'n motor sit en die rit geniet sonder om 'n woord te sê; een gemoedstoestand, alle tye; jy kry ekstra krediet vir die kleinste blykie van bedagsaamheid; dit word nie van jou verwag om die name van meer as vyf kleure te ken nie; jy ag dit nie nodig om die huis aan die kant te maak voor die skoonmaker inkom nie.

Maar verreweg die grootste voordeel daaraan verbonde om 'n man te wees, is dat ons nie met 'n kreatuur soos onselfsself moet trou nie, maar dat ons die sublieme voorreg het om met 'n vrou getroud te kan wees!

Dis al's natuurlik baie tong in die kies – vroue is in alle opsigte mans se gelykes, baie keer ons meerderes! Vir elke Mohandas Ghandi is daar 'n Moeder Teresa; vir elke Louis Pasteur 'n Marie Curie; vir elke John F Kennedy 'n Margaret Thatcher. Deur die eeue beklee vroue 'n prominente plek in die geskiedenis, van die vroegste tye af. Dis nie blote toeval dat die blyste van alle boodskappe, dat ons Verlosser die dood oorwin het, heel eerste aan vroue bekendgemaak is nie!

Môre is dit Vrouedag. Die dag het sy oorsprong in die optog deur 20 000 vroue na die Uniegebou in Pretoria om 'n petisie met 100 000 handtekeninge te oorhandig op 9 Augustus 1956. Hul protes was teen die paswette. Die vroue het 'n lied wat spesiaal vir dié geleentheid gekomponeer is, gesing. Dit was die lied *Wathint' Abafazi! Wathint' ombokodo!* (As jy aan 'n vrou raak, slaan jy 'n rots raak.) Om verskeie redes, gaan die viering van Vrouedag grootliks by ons verby. Dit is maar net nog 'n lekker vakansiedag.

Kom ons gebruik môre om erkenning te gee aan die ware rotse van ons gesinne – ons vroue en moeders! Dis soms baie voordelig en erg lekker om 'n man te kan wees – kom ons bederf die vroue in ons lewens wat dit meestal moontlik maak. Sonder hulle is die lewe 'n baie saai en oninteressante plek.

Ek weet. En ek is bitter spyt dat ek my vrou nie meer bederf en waardeer het toe ek dit nog kon doen nie...

**Ds Etienne Fourie**



## BEROEPE EN STANDPLASE

Kontak die webbladredakteur, prof Ernest van Eck, by [ernest.vaneck@up.ac.za](mailto:ernest.vaneck@up.ac.za) om vakante standplase op die Kerk se amptelike webblad by [www.nhka.org](http://www.nhka.org) te plaas. Onthou asseblief dat 'n standplaas eers vakant verklaar moet wees voordat dit geadverteer mag word. Kontak dr Frikkie Labuschagne by 012 322 8885 x256 in dié verband.



Ds Ronel Eckard

### Beroep aanvaar

- **Ds Ronel Eckard** (beroepafwagting) na Zoutpansberg (benoeming)


## PREDIKANTE EN GEMEENTES

Stuur asseblief berigte oor lief en leed aan [produksie@nhk.co.za](mailto:produksie@nhk.co.za).



Ds Fanie Swanepoel

- Emerituspredikant **ds Fanie Swanepoel** ervaar gereeld gesondheidsprobleme, onder meer ten opsigte van bloedstolling. Hy bly egter positief en kla selde. Ons bid hom en sy vrou, Elsa, sterkte toe en vertrou dat dit voortaan beter met hom sal gaan.
- Sommige van die besonderhede van **Gemeente Primrose** het verander. Hul nuwe telefoonnommer is 011 028 0826, en die nommer by die pastorie is 011 026 2316. Die gemeente se e-posadres is [primrosenhk@gmail.com](mailto:primrosenhk@gmail.com). Die sekretariële beampte, mev Annatjie Els, se kontakligting is (kantoor) 011 028 0816 (Ma-, Do- en Vry-oggend) en (selfoon) 083 360 2692.
- **Gemeente Ventersdorp** se nuwe e-posadres is [nhkven@truenw.co.za](mailto:nhkven@truenw.co.za), en die pastorie s'n is [nhkpas@truenw.co.za](mailto:nhkpas@truenw.co.za).
- **Die Huis van oud-Voortrekkermanne** benodig die name en adresse van almal wat inwoners van Voortrekkertehuis was ten einde die **adreslys op te dateer**. Stuur asseblief jul eie name, telefoonnommers, adresse en e-posadresse asook dié van enige ander oud-Voortrekkerman wat jy ken aan Marié van Niekerk by [marie@nhk.co.za](mailto:marie@nhk.co.za) of Posbus 2368, Pretoria 0001; tel 012 322 8885 x254.
- **Borg kilometers en help ons bejaardes**. Mev Magda van Deventer (redakteur van die Algemene Diakensvergadering se bylaag in *Konteks*) en 'n stapmaat, Avrienne Maritz, stap in September 200 km van 'n pelgrimsroete, die Camino de Santiago in Spanje. Deur middel van borgskappe per kilometer gaan hulle geld insamel vir die **Aksiegroep vir Bejaardes (AGB) van die ADV**. Skakel asseblief die ADV se kantoor by 012 322 8885 x221, of stuur 'n e-posboodskap aan Sonet Esterhuizen by [diens@diakens.co.za](mailto:diens@diakens.co.za) en laat u borgskap aanteken. Meer inligting is beskikbaar op die diakens se webwerf by [www.diakens.co.za](http://www.diakens.co.za).
- **Bejaardes en gestremde persone in Pretoria**: Munisipale korting word toegestaan deur die *City of Tshwane*. Gaan na [www.diakens.co.za](http://www.diakens.co.za) en kyk regs by 'Warm brood' vir die aansoekvorm. Indien u probleme ondervind om toegang tot die aansoekvorm te verkry, kan u in verbinding tree met die sekretaris van die ADV, ds Gerhard Stoltz, by [gerhard@diakens.co.za](mailto:gerhard@diakens.co.za).
- Die **SP Engelbrecht-museum** kan per afspraak besoek word. NHSV-takke, kerkrade, kategeseklasse, skole en ander diensliggame van die Kerk is welkom om 'n koppie tee of koffie te geniet en in die skadu van die ou historiese kerkgebou te kuier. Parkering is beskikbaar. Die adres is Du Toitstraat 169, Pretoria. Kontak mev Ansie Joubert vooraf by 012 321 7580 (09:00-13:30 Ma-Vry). 'n Donasie van R10 per persoon ter stywing van die Museumfonds is welkom.



Lees meer oor die Museum by <http://www.nhk.co.za/> → So werk ons → SP Engelbrecht-museum. Die bankbesonderhede vir maandelikse skenkings is Raad



van Finansies – verwysing MUSEUM, ABSA Bosmanstraat, verrekeningskode 632 005, tjekrekening nommer 020 000 287.

Die *Vriende van die Museum* dien as skakelpunt vir lidmate wat betrokke wil raak by die versorging en uitbreiding van die SP Engelbrecht-museum. Skakel met dr Christo Pretorius by 012 321 3250 of [pretorianhk@telkomsa.net](mailto:pretorianhk@telkomsa.net).

- **Preekbeurt in Dullstroom.** Predikante kan by Gemeente Dullstroom preek en gratis verblyf vir die naweek kry. Die gemeente bied gratis verblyf vir 'n **predikant en sy/haar gade** in ruil vir die gratis preek; **een** voorskoolse kind kan gehuisves word. Daar word voorsien vir **twee nagte**; indien u 'n ekstra nag wil oorbly en ekstra mense bring, moet u dit **vooraf** met Jan Bette by 073 790 3357 bespreek; die derde nag en ekstra mense is op u eie koste. Kontak Johanna by 072 116 3353 of [nhkdullstroom@yahoo.com](mailto:nhkDullstroom@yahoo.com).

## Spesiale eredienste en feesnaweke

- **Gemeente Piet Retief: Eeufeesvieringe**  
**Vrydag 17 tot Sondag 19 Augustus**  
**Vrydagaand:** Dankdiens  
**Saterdag:** Outydse basaar soos 'n eeu gelede  
Tema: *Die vier ou provinsies (Kaaip, Natal, Transvaal en Vrystaat)*  
Tradisionele lekkernye en verskeie uitstallings uit die era  
**Saterdagmiddag:** Voorbereidingsdiens  
**Sondag:** Nagmaal op die outydse manier  
Almal trek aan soos die mense van 'n eeu gelede  
Na dankseggingdiens (nabetragting) 'n gesellige ete  
Feesbundel word saamgestel om later te verskyn  
Deel u ou foto's en staaltjies uit die verlede met ons vir opname in die bundel  
Skakel Jan Venter by 082 925 3951
- **Gemeente Sannieshof: Op uitnodiging**  
**Geloof-in-aksie Motorfietsbediening** van Gemeente Randburg  
**Naweek van 1 en 2 September**  
Ter ondersteuning van Sannieshof se basaar (sien bladsy 8)  
**Sondag 2 September** se erediens gelei deur ds CJ van Wyk van Randburg  
Navrae aan ds Paul Kern by 018 683 0051 of [hartelus@yahoo.com](mailto:hartelus@yahoo.com)
- **Gemeente Bosmansrust: Sondag 23 September om 11:00**  
**Dankfees en Nagmaal**  
Viering van 125ste bestaansjaar van gemeente  
100-jaar-viering van kerkgebou  
Alle oudpredikante, vorige lidmate en ander belangstellendes welkom  
Ete na die diens  
**Antwoord asseblief voor 31 Augustus**  
Kontak Piet Marx by 082 708 6761 of [pamarx@lantic.net](mailto:pamarx@lantic.net)
- **Gemeente Glencoe: Vrydag 7 Desember: Tyd later bekend**  
Buitediens op walle van die Wasbankrivier, distrik Glencoe, waar die Gelofte die eerste keer afgelê is  
Kliplegging na die diens  
Almal welkom  
Bring 'n klip van jou omgewing saam met die naam van jou gemeente  
Kontak ds Pieter Bester by 082 899 6564 / 034 212 1815  
[pieterbester@telkomsa.net](mailto:pieterbester@telkomsa.net)

## Predikanteverjaardae

- **Die volgende predikante verjaar tot 17 Augustus, en word hartlik geluk gewens.** Baie geluk ook aan di Jan Claassen (Strand), Frans Oosthuizen



(Pietersburg) en Stephan van Tonder (Gobabis) wat op **4 Augustus** verjaar het en nie in verlede week se *e-Hervormer* genoem is nie.

- o Woensdag 8 Augustus: Di Jan Schutte (siekte-emeritaat) en Jaap Steenkamp (Potchefstroom Die Wilge)
- o Vrydag 10 Augustus: Ds Johan Ayres (Germiston)
- o Maandag 13 Augustus: Ds Jan de Wet (emeritus)
- o Dinsdag 14 Augustus: Ds Arno Nieuwhof (Witbank/Witbank-Noord)
- o Woensdag 15 Augustus: Ds Rita de Kock (Villiers)
- o Vrydag 17 Augustus: Ds Douw Steyn (emeritus)

## Beplande vergaderings

- Dinsdag 14 Augustus: Nagraadse Beurskomitee  
Kuratorium
- Donderdag 16 Augustus: Monumenttehuise
- Woensdag 12 September: Predikantevergadering (te Swartkop)

## Kursusse en toerusting

- **Gelowige Gesinne Gesprek (GGG): Naweekseminaar**  
**Vrydag 14 tot Sondag 16 September**  
Inisiatief van Kommissie van die AKV, gefasiliteer deur Gemeente Montana Kerkterrein, hv Azanza- en Jan Bantjiesstraat, Montana  
Tema: *Sagte-oë-ouerskap*  
Ouerskap met 'n verskil: Hoe om jou kind emosioneel gesond te maak  
Is jy 'n ouer, werk jy daagliks met kinders en ouers op terapeutiese vlak?  
Is jy betrokke by ouer- en kinderbediening?  
Kontak Esmé by Montana-kerkkantoor 012 567 1753
- **Gemeente Glencoe: Toerustingskursus: Op reis – 'n dienswerkreistas**  
**Saterdag 20 Oktober**  
Deur ds Hannes Janse van Rensburg van Zuurfontein  
Registrasie 08:00, kursus begin om 09:00  
Koste R60  
Kontak ds Pieter Bester by 082 899 6564 / 034 212 1815  
[pieterbester@telkomsa.net](mailto:pieterbester@telkomsa.net)

## Beskikbare behuising

- **Ons Tuis (Riviera)**  
**Tehuis vir versorging van verswakte bejaardes het tans plek beskikbaar**  
Volledige versorgingsfasiliteit wat insluit:
  - o 24-uur mediese versorging
  - o 3 maaltye per dag
  - o Sekuriteit
  - o Gereelde sosiale aktiwiteiteVir meer besonderhede, skakel matrone E Mans by 012 329 3623  
Aansoekvorms kan afgetrek word van [www.otmt.org](http://www.otmt.org)  
of kontak H Fourie by 012 325 1857 om aansoekvorms te stuur
- **Andries-Marié Oosthuizen Monumenttehuis (Parys)**  
**Behuising vir seniorburgers**  
Daar is tans die volgende behuising beskikbaar:  
**MET VERSORGING**  
1 dubbelkamer (verkieslik 'n egpaar) – 24-uur-versorging  
Koste per persoon R5 500 per maand  
(sluit in 3 etes per dag, wasgoed en kamer skoonmaak), opnamefooi R3 000



## SELFVERSORGING

- o A-gang: 1 enkelkamer, R3 050 per maand  
(ingesluit 3 etes, wasgoed en kamer skoonmaak 1 x per week)
- o B-gang: 1 dubbelkamer (egpaar) – R3 050 per persoon  
(ingesluit 3 etes, wasgoed en skoonmaak van kamer 1 x per week)
- o H-gang: 1 ruim kamer met eie badkamer, stoepie en tuintjie  
(ingesluit middagete) – R3 000 per maand

Eenmalige opnamefooi van R3 000

Ondersteunende dienste beskikbaar

**Kontak matrone Alet Botha by 056 811 2185 vir meer besonderhede**

## Konserte en feeste

- **Donderdag 9 Augustus: NHSV Hartbeesfontein: Damesoggend**  
NG Kerksaal Hartbeesfontein 10:00 vir 10:30  
Hernu jou lewe, gees, styl en uitkyk  
Inspirerende nuwe idees, pitkos en 'n vars nuwe styl – spesiaal vir jou!  
Saam met Henre Botha (Gospelsanger) & Augus & Ronel  
Aandrokke word gemodelleer, stalletjies & ligte ete  
R100 per persoon  
Kontak Carina by 082 564 1424 of Lizbe by 082 878 6643
- **Saterdag 18 Augustus: NHSV Leeudoringstad: Oggendtee met 'n verskil**  
Smaaklike sjampanje-ontbyt  
Tema: *Titanic*  
Kontak Corrie Marais by 082 374 6026 of [corriem@suidwes.co.za](mailto:corriem@suidwes.co.za)
- **Saterdag 18 Augustus: NHSV Swaruggens: Damesoggend**  
Kom geniet 'n sprankeloggend en kry nuwe visie, hoop en lewe  
Gretha Wiid met *Eva se lyf* en gasverskyning deur Qualitrio-manne  
NHK Kerksaal Swaruggens om 10:00  
Verversings is ingesluit  
Uitstallers reeds van 09:00 af  
R100 per persoon  
Kontak Erica by 082 924 6099
- **Vrydagaand 24 Augustus: Gemeente Bronkhorstspuit**  
**Sorina "die Flooze"**  
In kerksaal 18:30 vir 19:00  
R100 per persoon, R50 vir laerskoolkinders  
Navrae aan Alta Bester by 082 936 5289
- **Sondag 26 Augustus om 15:00: Gemeente Vereeniging**  
**Tienie van Wyk Koorfees**  
Met Albertonse Mannekoor, AKApelle en Christina van der Bijl  
R40 per persoon  
Navrae aan 016 422 0172 of [pbboshoff@telkomsa.net](mailto:pbboshoff@telkomsa.net)
- **Vrydag 31 Augustus: Gemeente Rustenburg-Suid: Konkakonsert**  
**Bok van Blerk (On)Bpk**  
Kockstraat 153, op gemeenteterrein  
R100 vir volwassenes, R40 vir laerskoolkinders  
Kuier rondom die konkavuur onder die sterre, en luister na sy stem  
Hekke stiptelik om 17:00 oop, ook kaartjies by hekke beskikbaar  
Bring net jou eie stoel  
Kaartjies beskikbaar by Pen en Ink (Square Spar),  
Rustenburg Factory Deli (hv Beyers Naude en Zendelingstraat),  
of skakel die Deli by 014 592 4716 of die kerkkantoor by 014 592 2364  
of Frikkie Krüger by 082 445 4336



- **30 Augustus tot 8 September: Gemeente Delmas**  
*Jerusalem, Jerusalem!*  
Interkerklike opvoering  
By NG gemeente Delmas-Wes  
Vir meer inligting, kontak Martin Rossouw by 082 410 1936
- **Saterdag 8 September: Gemeente Glencoe: Klavierkonsert**  
Rocco de Villiers  
18:00 vir 18:30  
Laerskool Glencoe  
Volwassenes: R100; kinders onder 12: R50  
Iets te ete en drinke sal aangebied word  
Kontak ds Pieter Bester by 082 899 6564 / 034 212 1815  
[pieterbester@telkomsa.net](mailto:pieterbester@telkomsa.net)

### Sportbyeenkomste

- **Saterdag 25 Augustus: Gemeente Sionspoort**  
**Randfontein EPR-fietswedren**  
120 of 58 km (pad) en 55 of 30 km (bergfiets)  
Spring weg en eindig by Tarlton-renbaan  
Laai 'n inskrywingsvorm af by [www.sionspoort.org](http://www.sionspoort.org)  
of skryf aanlyn in by [www.cyclelab.com](http://www.cyclelab.com)  
Kontak Johan van Staden by 082 464 1547

### Kampe en toere

- **Toer op Bybelse voetspore...**  
**Egipte, Israel en Jordanië**  
4-18 Desember 2012  
Kontak ds Hannes van der Merwe by 082 575 1979  
of [hannes@pretoriaoos.com](mailto:hannes@pretoriaoos.com) vir meer inligting

### Kompetisies en fondsinsamelings

- **Gemeente Witfield in Boksburg: Weners van Boogjagkompetisie**  
1ste prys: Hennie Wiese (nommer 1599)  
2de prys: Manie du Preez (nommer 1116)  
3de prys: Johan van den Berg (nommer 1048)  
Baie geluk aan die weners en dankie vir almal se deelname
- **Gemeente Erasmia: Stap en Trap vir Bybels**  
**Saterdag 11 Augustus**  
Registrasie vanaf 07:00, wegspring 08:00  
By Voortrekkermonument  
3, 5 en 10 km, medaljes vir almal wat klaarmaak  
Koste: R35 ten bate van Bybelgenootskap  
Kontak Isme by 012 370 3513 / 082 962 2870  
of Pieter by 083 400 1854
- **Gemeente Sasolburg-Suid: Vendusie**  
**1 September stiptelik om 10:00**  
In parkeerarea regoor Midas langs PicknPay-sentrum in die dorp  
Van 'n skoenriem tot 'n dooie soldaat word opgeveil  
Onder toesig van 'n afslaer van Lichtenburg  
Reël vooraf om eie items te bring @ fooi van 15%  
Navrae aan ds Lisa-Mari Swanepoel by 083 943 4561  
of Elize by 083 412 5802



- **Gemeente Leeudoringstad: Kompetisie om Doringfees bekend te stel**  
Pakkette beskikbaar, ook aan gemeentes  
R1 000: 20 boekies ter waarde van R10 000  
(gemeente kan dus R9 000 wins maak)  
R2 500: 50 boekies ter waarde van R25 000 (wins R22 500)  
R5 000: 100 boekies ter waarde van R50 000 (wins R45 000)  
Kaartjies slegs R50 elk – en 11de kaartjie in die boekie is gratis  
**Trekking Saterdag 29 September om 12:45**  
Kontak Berno Robinson by 082 395 9241

**NHK Kampersrus Vakansiekompetisie**

**Trekking: 27 Oktober 2012**  
Wen 'n naweek ter waarde van R28 000  
3 nagte se verblyf vir twee persone in die vyfster Kapama Lodge  
(alle etes asook wildritte ingesluit)  
Olifantritte, lugballonrit, spabehandeling in die hartjie van die Bosveld  
'n Besoek aan die Cheetah-projek in Hoedspruit en R2 000 sakgeld  
Kaartjies R100 elk  
Navrae aan ds Marius Kramer by 083 310 6042  
of by gemeentelike kerkkantoor kampersrus@nhk.co.za

## Basaars en markte

- **Saterdag 25 Augustus om 09:00: Gemeente Glencoe: Basaar**  
By Dundee Gedenksaal  
Tema: *Country & Western*  
Varsgebak, vleis, kos, pannekoek, poeding, groente, koeldrank, koektafel...  
Nuu tot antiek, naaldwerk, kinderpartytjie...  
Kontak ds Pieter Bester by 082 899 6564 / 034 212 1815  
[pieterbester@telkomsa.net](mailto:pieterbester@telkomsa.net)

**Gemeente Ottosdal Boerefees**  
**Vrydag 24 en Saterdag 25 Augustus**

Hou jy van 'n outydse basaar met pannekoek en poeding, heerlike ontbyt met pap-en-kaiings, boerebeskuit en biltong? Dan is ons Boerefees die plek om te wees. Kom kuier by Gemeente Ottosdal.

Die fees skop af **Vrydagaand 24 Augustus** met 'n tradisionele Boere-ete – dit belooft om 'n lekker kuieraand te wees.

**Saterdag 25 Augustus** kuier ons saam op die Boerefeesterrein. Kom luister na 'n praatjie oor Siener van Rensburg, 'n booring van Ottosdal. 'n Paar uiters eksklusiewe boeke gaan opgeveel word - 'n moet-hê vir versamelaars. Daar gaan ook tradisionele vaardighede gedemonstreer word. Skattejag en Boeresport bied vermaak vir die hele gesin.

Staan 'n kans om 10 ooe en 'n ram te wen, of 4 ooe en 'n ram, of 'n speenkalf vir slegs R50.

Kom geniet die fees saam met ons. Kontak die kantoor by 018 571 0200 of [ottosdal@nhk.co.za](mailto:ottosdal@nhk.co.za)

- **Vrydag 31 Augustus en Saterdag 1 September: Gemeente Tzaneen Karnaval**  
Tema: *Koekeloer Wêreldtoer*  
**Vrydag** vanaf 11:00  
Kleurvolle kosstalletjies verteenwoordig verskillende lande  
Gaskunstenaar Pieter Kotzé; volksdanse  
**Saterdag** vanaf 08:00



Lekker plaasontbyt, SAVF-trompoppies, Mej Lentefees / Lenteknapie  
Heerlike eetgoed, groente en vrugte, plante, handwerk, ens  
Navrae aan [nhkerktzn@mweb.co.za](mailto:nhkerktzn@mweb.co.za)  
of gemeentelike kerkkantoor by 015 307 4508

- **Saterdag 1 September: Gemeente Rustenburg-Suid  
Willerste Noordwestefees**  
Tema: *Willerste Fees onder die reënboog*  
Is daar 'n goudpot aan die einde van die reënboog?  
Is oom Paul Kruger se miljoene iewers in Rustenburg begrawe?  
Hope optredes, verskeidenheid produkte te koop, vermaak vir oud en jonk  
Wen 'n 1-ons Goue Krugermunt ter waarde van R15 000-R18 000,  
afhangende van die goudprys  
Kockstr 153, op gemeenteterrein  
Net 300 kaartjies teen R100 elk  
Wees op 1 September om 12:00 by die reënboogstalletjie:  
In een van 300 kolwyntjies (*cupcakes*) gaan die muntstuk versteek wees  
**Jy móét teenwoordig wees om die prys te ontvang!**  
Skakel 014 592 2364 vir inligting en kaartjies
- **Saterdag 1 September: Gemeente Mafeking: Flower Power Lentebasaar**  
Op die kerkterrein  
Wen pryse ter waarde van R10 000 – 'n bees/R4 000  
of 2 nagte midweek vir 4 persone in houthuis in wildreservaat by Bloemhofdam  
Om te kwalifiseer, maak donasie van R50 of veelvoude daarvan aan gemeente  
Prystrekking op 1 September om 15:00  
Navrae: Kallie Landsberg (079 893 9031) of Nelia Landsberg (083 665 6239)
- **Saterdag 1 September: Gemeente Montana: Bokkefees**  
Op kerkterrein (hv Azanza- en Jan Bantjesstraat, Montana)  
Wildsgeregte om van te kies en keur asook ander eetgoed  
Boogskiet vir ouers en kinders, speletjies, perderitte, ens  
Kontak Esmé by gemeentelike kerkkantoor 012 567 1753
- **Saterdag 1 September: Gemeente Ventersdorp: Basaar**  
Vanaf 09:00  
Kom geniet die plattelandse atmosfeer  
Baie vleis en eetgoed  
Navrae aan [nhkven@lantic.net](mailto:nhkven@lantic.net)
- **Saterdag 1 September: Gemeente Sannieshof: Hoezit-my-tjomma-fees!**  
Kom kuier saam met ons en die *Flooze*, Sorina  
Bring jou rooi baadjie vir die *Flooze-look-alike*-kompetisie  
en wen R6 000 se pryse  
Met Geloof-in-Aksie Motorfietsbediening van Gemeente Randburg  
Is jy bang vir niks? Wen R2 000 in die *FEAR FACTOR!*  
Is jou goed met ysters? *Kom strip jou moer* en wen 'n Inverter sweismasjien  
en 3 gereedskapstelle  
Van voor af verlief? Wen 'n prinsessnit, 0.7b kar diamant van R15 000  
Vang regte vis, skiet met aartappels en wen R1 000  
Moenie jou koelboks vergeet nie vir goedkoop kwaliteitvleis  
Toegang gratis  
Kontak ds Paul Kern by 082 494 5347
- **Saterdag 8 September: Gemeente Bothaville: Kaboemieliefes**  
Met DJ Ossewa en Adele Botes  
Op die kerkterrein (Careystraat 39)  
Heerlike kos: braaivleis, potjiekos, roosterkoeke, sosaties, ens  
Kom geniet 'n heerlike plaasontbyt met lewer en pap  
Verfbal en Kinderland vir wonderlike vermaak





**Groot pryse om te wen:** 10 speenkalwers as 1ste prys (kaartjies R100)  
Uitstallers, vlooiemarkstalletjies, ou karre en ou trekkers  
Navrae by kerkkantoor 056 515 2673 of [henniepretorius@lantic.net](mailto:henniepretorius@lantic.net)

- **Vrydag 28 tot Sondag 30 September: Gemeente Zeerust Bosrumoer**  
By Doornrivier 4x4, Zeerust  
Kontak ds Barrie Oberholzer by 082 211 7926 of [bosrumoer@gmail.com](mailto:bosrumoer@gmail.com)  
<http://www.bosrumoer.co.za>
- **Saterdag 29 September om 09:00: Gemeente Leeudoringstad Doringfees**  
Gaskunstenaar Sorina die Flooze  
Navrae aan gemeentelike kerkkantoor by 018 581 2055  
of [nhkleutjies@nwet.co.za](mailto:nhkleutjies@nwet.co.za)

## ANDER NUUS



- **Die Ondersteuningsraad (OSR)** bied vanjaar weer vir minderbevoorregte tieners 'n kamp aan te Mooikrans Equus in Amersfoort, van Sondagoggend 30 September tot Vrydagmiddag 5 Oktober 2012. Die koste beloop **R850 per kind** wat die busvervoer, etes, aanbieding van die program, gebruik van toerusting, ensovoorts, insluit. Aangesien hulle nie vir hulself kan betaal nie, word fondse benodig om die kinders te borg. Persone wat 'n **kind wil borg of 'n donasie wil maak**, kan Suzanne van Deventer van die Pretoriakantoor kontak by 012 325 2320 of [oraad@telkomsa.net](mailto:oraad@telkomsa.net). Die bankbesonderhede is soos volg:

Die Ondersteuningsraad  
ABSA  
Tjekrekening  
Rekeningnommer: 000602795  
Takkode: 323 345  
Beskrywing: Kampfonds

- **Beeld-Kinderfonds 2012**  
Kaartjies vir die kompetisie om fondse vir die versorging van kinders in te samel, kos **R25** elk, waarvan R12,50 aan elke deelnemende welsynsorganisasie terugbetaal word. Onder andere 'n Peugeot 107, 'n seereis op MSC Sinfonia, 'n vakansie by Go Wild Resorts asook R50 000 in kontantpryse kan gewen word. Kaartjies is beskikbaar by **die Ondersteuningsraad** se kantore asook by hul hoofkantoor en die Sinodale Kerkkantoor in Pretoria. Kontak Ansie Cromhout of Susan Moore by 012 322 8885.
- **NEGENDE SUID-AFRIKAANSE KONGRES VIR CALVYNNAVORSING 15 tot 17 Augustus** (Woensdagaand tot Vrydagmiddag)  
Aros (Akademie Reformatoriese Opleiding en Studies)  
Openingsaand Woensdag 15 Augustus 18:30 vir 19:00  
Toegang gratis (deurkollekte na afloop)  
Prof EA de Boer hoofspreeker, onder meer oor die boek Josua Gereformeerde Kerk Die Kandelaar  
hv Codonia- en Dickensonlaan, Waverley, Pretoria
- **INTERNASIONALE KINDER- EN JEUGKONFERENSIE 26-28 September 2012**  
Fakulteit Teologie, NWU, Potchefstroom  
Gerig op predikante, kategete, ouers en almal wat met kinders en die jeug werk  
Verskeie gesamentlike en parallelle sessies  
Wetenskaplike én meer populêre lesings  
Sprekers: prof Malan Nel; Craig Groome; Marius Storm; Petra Kollege;



ongeveer 30 ander

Konferensiegangers is vir eie huisvesting verantwoordelik

Kry inligting oor gastehuse by

[http://www.potchefstroom.co.za/accommodation/acc\\_guest\\_houses.html](http://www.potchefstroom.co.za/accommodation/acc_guest_houses.html)

Navrae aan dr Rudy Denton by 018 294 3509 of [rudy@nhk.co.za](mailto:rudy@nhk.co.za)

- **Bybelgenootskap: Gholfdag**

**Dinsdag 9 Oktober:** Gelyktydige begin 11:00

Serengeti-gholfklub

*Betterball Stableford*

R3 000 per 4-bal (sluit aandete in)

Kontak Jenene Bernhardt by 011 552 7208

of [jenene@serengeti.co.za](mailto:jenene@serengeti.co.za)

- **ADVERTENSIES** waarvan 'n private individu of instansie die begunstigde is, of waarin 'n gemeente 'n projek prominent wil bekendstel, kan in die *e-Hervormer* geplaas word. Dit bestaan hoofsaaklik uit **teks van ongeveer 110 woorde** (u kan eenvoudige grafika of 'n foto voorsien), maar daar sal nie onderhandel word oor die uitleg daarvan nie. Indien 'n jpg-weergawe van die advertensie voorsien word, moet dit **verkieslik nie groter as 'n standaard besigheidskaartjie** wees nie. Die advertensie moet saam met die bewys van betaling gestuur word aan mev Tessa Oppermann, per faks na 086 633 4059, of per e-pos na [produksie@nhk.co.za](mailto:produksie@nhk.co.za). GEEN advertensie sal geplaas word sonder dié bewys nie. Die **teks en bewys van betaling** moet mev Oppermann bereik teen 16:00 op die Dinsdag voor die betrokke uitgawe se verskyning. Die *e-Hervormer* word Woensdae saamgestel en verskyn elke Donderdag. Indien die plasing meer as een keer moet geskied, moet aangedui word op watter datums dit moet verskyn, met betaling vooruit vir al die beoogde plasinge. **Die koste is R150 per plasing (BTW ingesluit).**

Die verskuldigde bedrag moet uitgemaak word aan:

Raad van Finansies, ABSA Bank

Tjekrekening nommer 020-000-287, Takkode 632-005

**Verwysing: u naam + e-Hervormer Ads**

## KOMMENTAAR

Lesers kan kort kommentaar (**uiters 100 woorde**) stuur aan [produksie@nhk.co.za](mailto:produksie@nhk.co.za). Langer bydraes sal nie geplaas word nie, en moet eerder na die gespreksforum van die Kerk se webblad gestuur word; gaan dan na [www.nhka.org](http://www.nhka.org) → Praat saam en kies die opsie wat u pas. Anonieme bydraes word ook nie gebruik nie. Die finale besluit oor plasing in die *e-Hervormer* berus by die redakteur.

**Lidmate van gemeentes waar 'n kerkraad moontlik met meerderheidstem besluit het om kerklike eiendom te vervreem en andersins in stryd met die Kerkorde optree, se lidmaatskap van die Hervormde Kerk kan daardeur in die gedrang kom. Lidmate wat deel wil bly van die Nederduitsch Hervormde Kerk van Afrika, word versoek om op een van die volgende maniere met die Kerk kontak te maak:**

- **SMS** jou naam, gemeente, kontaknommer en e-posadres na 074 406 6303 (slegs SMS'e, nie oproepe nie). Die Sinodale Kerkkantoor sal jou binne 7 dae kontak.
- **Telefonies:** Skakel mev Marié van Niekerk by 012 322 8885 x254.
- **Stuur 'n e-pos** na [nhk@nhk.co.za](mailto:nhk@nhk.co.za).
- **Kontak jou gemeente se konsulent, of 'n ander predikant in die ring.** Hul inligting is op die Kerk se webblad beskikbaar by [www.nhka.org](http://www.nhka.org) (onder So werk ons / Predikante).

Die Kerk sal hierdie inligting met groot sensitiwiteit hanteer.

Ons Kerktydskrifte net op die skerm, of darem ook vir party van ons in hardekopieformaat? Dít is die vraag wat gereeld in vergaderings opduik.

Tradisioneel is 'n koerant en 'n tydskrif iets wat jy met jou saamdra, wat jy lees wanneer jy 'n tydjie het, terwyl jy vir iemand wag. Maar nou dra mense hul tablette en skootrekenaars en slimfone en wat ook al anders ook saam met hulle...

Soos die meeste ander (populêre) tydskrifte, word *Konteks* en *Die Hervormer* steeds in papierformaat versprei, met in albei gevalle goed versorgde webwerwe waar uittreksels uit of opsommings van artikels gelees kan word. Lesers hoef dus nie bekommerd te wees dat hulle op die een of ander manier uitgesluit sal word nie. Daarby is daar elke week hierdie elektroniese nuusbrieff, sodat lidmate deurgaans op die hoogte kan wees van gebeure in die Kerk. Onthou egter dat *Die Hervormer* se artikels meer pitkos en dieptebesprekings bevat – die een vervang beslis nie die ander nie.

Loer gerus in by [www.konteks.co.za](http://www.konteks.co.za) en [www.hervormer.co.za](http://www.hervormer.co.za). Navrae oor intekening op die hardekopie-publikasies kan gerig word aan mev Susann van Zyl by [sentik@nhk.co.za](mailto:sentik@nhk.co.za), 012 322 8885 x291 of faks 086 633 4054.



## NASKRIF

En toe sneeu dit sowar by die Sinodale Kerkkantoor op Dinsdag 7 Augustus!